

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm Septembris Et Octobris

Surius, Laurentius

Coloniae Agrippinae, 1576-

VD16 S 10262

De S. Niceta martyre.

[urn:nbn:de:hbz:466:1-77413](https://nbn-resolving.de/urn:nbn:de:hbz:466:1-77413)

Amator pu-
ellaris inno-
cētiae & ca-
stitatis S.
Cyprianus.

sanguinem fundere, illum imitans, properabat. Custodiri puellas praecepit, sciens se non solum habere simplicem Dominum, sed etiam versipellem aduersarium. Itaque aduersus leonem aperte frementem, in confessione virile pectus armabat: aduersus insidiantem lupum gregi, sexum foemineum muniebat.

Ità verè sibi consultit, qui Deum iudicē cogitat, apud quem causam gestæ huius vi-
tae, atque ab illo sibi muneris iniuncti quisq; dicturus est. Vbi omnis homo recipit, sic
ut testatur Apostolus, quæ per corpus gesit, siue in bonū, siue in malum. Ità sibi con-
sultit, qui ex fide viuens, & satagens nè ab extremo præoccupetur die, extremū com-
putat omnem diem, & sic Deo placitos mores perducit usq; ad extreum diem. Ità

2. Cor. 5.
Optima
præparatio
ad moriē.

Epheſ. 5.

sibi beatus Cyprianus Episcopus misericordissimus, & martyr fideliſſimus consulēbat: & non sicut eum lingua subdola diaboli per os possessi a se impij iudicis monere videbatur, dicens: Consule tibi. Cùm enim eius immobilem mentem videret, quādō ei dixit, Iussurunt te principes ceremoniari: responditque ille, Non facio: adiecit, & ait: Consule tibi. Ipsa est lingua subdola diaboli, etsi non huius, qui neciebat quid lo-
quebatur, illius tamen, qui per eum loquebatur. Loquebatur enim proconsul, non tam secundūm principes homines, quorum iussa sibimet iniuncta iactabat: quām se-
cundūm principē potestatis aëris, de quo Apostolus dicit: Qui operatur in filios diffi-
dentię. Quem per huius quoquē linguam operari Cyprianus nouerat, quod ipse non
nouerat. Nouerat, inquam, Cyprianus, cùm à proconsule audiret, Consule tibi: quod caro & sanguis dicebat stolidē, hoc diabolum dicere subdolè: atq; intuebatur in uno
corpore duos, istum oculis, illum fide. Nolebat eum iste mori, nolebat ille coronari.
Proinde circa istum placidus, circa illum cautus: huic aperte respondebat, illum oc-
culte vincebat. Fac, inquit, quod tibi preceptum est. In re tam iusta nulla est consulta-
tio. Consultit enim, qui consilium vel impertit, vel querit. Sed proconsul non à Cypri-
ano cōsilium accipere volebat, sed eum potius, vt à se acciperet, admonebat. At ille:
In re, inquit, tam iusta, nulla est consultatio. Non adhuc consul, quia non adhuc du-
bito. Abstulit enim mihi dubitationē ipsa iustitia. Iustus autem, vt securus moriatur
in carne, certus vivit in fide. Præcesserant Cyprianum multi martyres, quos flagrantibus
exhortationibus suis ad vincendum diabolum accenderat: & erat utique iustum,
vt quos veridicus loquendo præmiserat, patiendo intrepidus sequeretur. Ergo in re
tam iusta, nulla est consultatio. Quid ad hac dicamus, quid ad hac exultemus tanta
conceptione gaudiorum? In quid erumpat cor nostrum & os nostrum, nisi in ipsam
venerabilis martyris ultimam vocem? Cùm enim Galerius Maximus decretum exili-
bello recitasset, Thascium Cyprianum gladio animaduerti placet: respōdit ille, Deo
gratias. Habentes igitur de re tanta memoriam præsentis loci, festiuitatem solennissi-
mi diei, propositionem saluberrimi exempli, omnibus medullis nostris dicamus &
nos, DEO GRATIAS.

De gratias
dicit fortis
fimus mar-
tyr, dum ex
di capite iu-
betur.

In reb⁹ ma-
nifeste iustis
non est ha-
benda con-
sultatio.

MARTYRIVM SANCTI ET MAGNI
MARTYRIS NICETAE, AVTHORE
Simeone Metaphraſte.

**15. Septem-
bris.**

Gothi Da-
nubij ac-
co-
la.



ICTRICIA martyris Nicetæ hodiè celebramus certa-
mina, non quē princeps Apostolorum Petrus erudit̄, &
qui Pontificis Clemētis fuit socius, & quem Commodus
Tyrannus propter Christum illato consummauit marty-
rio. Non cōuenimus, vt huius celebremus certamina: sed
quem (Quod ad laudē quidem est præclarus & præstan-
tius) regio tulit barbara. Sciunt omnes fluuiū Iltrum, ma-
gnitudine quidem inter fluuios clarum, quem lingua eius
regionis appellat Danubium. Gothos autē, qui illo tem-
pore exceferant ē patria, fluuius habebat accolas. Hic ergo
admirandus Nicetas, natus ē Gotthicis seminibus, &
primum honorem apud illos natus, tam propter claritatem generis, quām propter
aliā animi & corporis indolem & dexteritatem, non erat vita Gothus, nec moribus,
nec fide. Nam genus quidem vincebat ingenium: amor autē in Christum, barbarem
opinionem: studium verò virtutis, intemperantiam Gotthicam & feritatem.

Hic

Hic autem in adolescentia hauserat sacra fluenta doctrina Theophili. Quem quidem Theophilum, cum eius fidei fuisset commissus Gotthorum Pontificatus, accepimus interfuisse primae synodo Nicenae, manuque & lingua apud omnes confirmasse dogmata pietatis. Cum autem non multum intercessisset temporis, & in gente Gotthorum bella erupissent intestina, & essent diuisi in duas partes, & vni quidem praesisset *Phritigernes, altera autem valde terribili pareret Athanaricho, hic Athanarichus, *Fridigerius suscepit maximis copijs expeditione aduersus Phritigernem, qui erat quidem eiusdem generis, sed erat ab eo auulsus, victoria parta, erigit trophaeum. Quamobrem Phritigernes in rebus suis afflictis spectauit ad Romanam dexteram, & veniens transfuga, petuit auxilium. Valens autem Christi inimicus, eo tempore tenebat sceptrum Romana. Qui cum iussisset ijs, qui erant in Thracia, militibus ferre opem exuli, Phritigernes, Thracio exercitu accepto, & eo, qui sibi remanserat, transmittit Istrum. Itaq; feientes diuinam Christi Crucem, præcedentem omnes suas copias, prælio confligunt cum aduersarijs, & eum, qui vicerat, facile vincunt, & illius multitudo partim quidem Nota S. Cruce vim. cæditur, partim capit, cum Athanarichus turpissime cum paucis sue vite fuga consuluerit. Hæc fuit causa & occasio, cur multi ex ijs, qui præcesserunt, Gotthis, religionem amplexi sint Christianam.

*Vrphilus autem fuit Theophili successor in munere Pontificali, qui cum eo quo- *Vrphilas quæ synodo Nicenæ interfuerat eadem sentiens, & posteā considererat cū ijs, qui Constantiopolin secunda sancta synodo fuerunt congregati. Hic cum esset vir prudens & doctus, inuenit figuram literarum, & sonos Gotthicæ vocis conuenientes, & cum in eis sacram nostram & diuinitatem inspiratam scripturam Græca in linguam Gotthicam vertisset, omni studio & diligentia effecit, ut eam disserent, qui erant sue gentis. Quamobrem magnum incremetum accipiebat pietas apud barbaros, & indies proficiebat. Athanarichus autem cum procedente tempore se à damno, quod acceperat, recreasset, & in locum pristinum reuertisset, non peruenit tamen ad pietatem & veram religionem: sed multos quidem ex Christianis Gotthicis & Barbaris subiiciebat supplicijs: magis autem mouebatur aduersus generosum Nicetam, qui & generis claritate, & pietate supererabat eos, qui erant sui generis. Gratiano autem pio & clementi Romanum ac paternum administrante Imperium, impius & cædem spirans Athanarichus, ipse per se aduersuspios cædem parabat, & efficiebat, vt qui ei parebant, ipsum imitarentur. Iste ergo Dei hostes execranti, cum pietas martyris in dies s. Nicetas prædicaretur, egrè ferebant, minabantur, indignabantur, aggrediebatur eum de medio tollere. Quæ quidem Nicetas parum curas, nihilominus pergebat prædicare pietatem. Tandem in iram apertam erumpentes, repente martyrem inuadunt eo tempore, quo prædicabat, ipsumq; rapiunt, & vi trahunt, & vrgent, vt fidem abiuret. Sed Ab hostibus ille quidem nec verbis, nec factis desistens à pietate, & à libera Christi confessione, luctu dum & irrationem esse ostendebat illorum inuasionem. Illi autem cum contriuissent partes eius corporis, (ò insaniam) eum etiam in ignem injiciunt. Sed sic quoquæ patiens sanctus, neque lingua desistebat Deum hymnis celebrare, neq; corde in eum credere. Quocirca ad finem usq; immobilem seruans confessionem, cum multis alijs, qui erant eiusdem generis & fidei, dignus fuit habitus coronis martyricis, anima sua in manus Dei tradita.

Marianus autem quidam vir pius, Cilix genere, ex ciuitate, quæ illic est, ortus, nomine Mopsuestia, illo tempore versans in locis, quæ sunt circa Istrum, propter fidei coniunctionem & morum similitudinem, quæ quidem magna ex parte inter se conueniunt, euaserat martyri familiaris & amicus, & degebat in eisdem ædibus. Hic postquam ille finem accepisset martyricum, considerabat, & multas apud se versabat cogitationes, quoniam modo posset corpus amici accipere, maxime tali fine ornatum. Cum ergo sic consideraret, tandem in tempesta nocte propter metum Athanarici, (ipse enim non permittebat, vt acciperetur corpus martyris) accedens in eum locum, in quo erant projecta sanctorum reliquiae, quoniam ignorabat, quodnam esset, quod querebatur, ab eo docetur, à quo Magi didicerunt illius adorationem. Virtus enim quædam Matth. 2. cælestis & incorporea, stellæ forma suscepit, bonum præcedebat Marianum aperte Nota rem & euidenter, neque destitit hoc facere illa stella, quæ apparebat, donec ostendit id, quod desiderabatur. Id autem erat non reliquia aliqua & pars, sed corpus integrum s. Nicetæ illius verè beatæ animæ. Quod quidem apparuit igne fuisse potentius, sicut etiam corp' ignis volebat eius appellatio, nisi quod solùm quadam seruabat vestigia, neque ea aperta, non lafit, sed

sed ut tantum appareret, id cum igne esse congressum. Hoc ergo sacrum corpus cum thecae imposuit, martyris, ut oportet, & lacris id honoras orationibus, transfert in suam patriam, & tunc ipsum domi suae deponit.

Sed quanvis illud ita se haberet, & maneret in domo priuata, publicas tamen effundebat curationes. Etenim cum esset domus bona anima, non satis habebat vnius aedibus sua circumscribere miracula: sed erat communis delicia Mopsuestanorum, immo verò eorum quoquè, qui aliunde ventitabant, vslus fructus, qui non consumebatur. Procedente autem tempore, templum quoq; excitatur martyri, & ipsum corpus suscipit venerandum, apertissima decēterō cōserens beneficia, & resistens omnibus morbis & vitijs. Illa tamen domus, quæ athletam primò accepit hospitio, ditatur police sacræ illius domus, & hanc propriam gratiam amico Mariano dat ille egregius Nicetas, honorans amicitia leges & hospitalitatis. Quod quidem nulli alii sinit facere, in hoc quoquè amico gloriam tribuens. Etenim Auxentius, qui erat dicitur ciuitatis Episcopus, cum aggressus esset eius corporis aliquid dividere & accipere, nihil quidem accepit eorum, quæ volebat: eum autem non parvus inuasit metus, nec ei usque di, vi non in apertum prodiret, aut lateret, sed quo eius quoquè anima fuerit valde agitata, & alios docuerit ijs, quæ vidit, & terrore, quo est affectus, ut nemo deinceps manus audacem porrigeret, neque ullam partem eius corporis, cum esset præter ipsius sententiam, auelleret. Quonam modo autem metus hic acciderit, & quibusnam verbis prohibitus fuerit, ne aggredetur, explicabimus.

Excitauit hic quidem Pontifex, amicus martyrum, templum victoria insignibus martyribus, Taracho, Probo & Andronico, quod positum est ante muros ciuitatis Mopsuestiae. Cum autem ipsorum sanctorum ei decesserit reliquia ad consecrationem templi aedificati, eas autem haberet vrbis illi propinqua, nomine Anabarza, ei promissa parte reliquiarum huius praeclari Nicetæ, illorum martyrum accipit reliquias. Cum itaque oporteret impleri id, quod promissum fuerat, & sepulcrum fuisse effossum, & sublatuus esset lapis, qui fuerat impositus, protinus quidem cōfringitur marmor, nulla apparente causa: apparet autem mortuus, habens membra honestè composita, & corpus à priori corpore nihil differens. Cum ergo eum oporteret accipere partem corporis, & illud tetigisset manus eius, qui sepulcrum effoderat, nihil quidem ea accipit, sit aurem mox arida, metusque & tremor statim inuadit eum, qui id ausus fuerat. Deinde sit terramotus, & crumpit tonitrua, & frequētia micant fulgura, ijs, qui aderant, afferentia metum intolerabilem. Quod quidem cum sacrosanctus adspexisset Auxentius, (satis enim intelligebat, quid Deus significaret) eius quidem, qui passus fuerat, manum aridam adducit ad reliquias, non ut rursus aliquid accepturam, sed potius ut tacite petituram veniam audacia, & consecuturam curationem. Est enim, dicebat, tibi, ô sancte, multo facilis, cum sis bonus, & boni imitator, curare, quam laderere: Et si illud vel nolens præbuisti, quomodo non hoc magis dabis ex tui animi sententia? Curatur itaque affecta manus, & prædicat virtutem & bonitatem eius, qui curauerat. Deinde verò Pontifex, cum sacrum eius sepulcrum honorasset hymnis & glorificationibus, ei pristinam figuram restituit, nulla in re mutato, nisi quod se habebat melius & honestius.

Sic glorificat Deus eos, qui ipsum glorificant: sic magnificat eos, qui ipsum magnificant. Non vniuersum hic donans: minimè: sed ex his futura præbens coniencia. Nam quæ hic dantur, etsi inter omnia sensilia sint præstantissima, auribus tamen significantur, & oculis compræhenduntur: Quæ autem illic sanctis manent, neq; oculus vidit, neque auris audiuit, neq; in cor hominis ascenderunt. Talia enim sunt, ut didicimus, quæ à Deo parata sunt ijs, qui ipsum diligit. Quæ detur nobis omnibus consequi gratia & benignitate Domini nostri Iesu Christi: Cui gloria & potentia in secula seculorum, Amen.

VITA

Templum
S. Nicetæ.

Auxentius
Episcopus
terrore affe-
ctus non au-
det eius di-
uidere reli-
quias.

Nota anti-
quu morem
adhibendi
reliquias in
temporium
consecrati-
one.

Nota Le-
ctor.

Curatur ma-
nus arida
cuiusdam.

Esa. 64.
L. Cor. 2.